

1619_242.jpg

242

M. DC. XIX.

hōmes de guerre, tant infanterie que caualerie, les Imperiaux avec leur butin & païsonniers, retournerēt à Budovits : cest exploit leur haul-
sa fort le courage, n'y ayans perdu que six sol-
dats & vingt de blesez. Ce n'estoient plus que
paroles entr'eux, que des que la gēdarmerie de
Flandres seroit ioincte, qui seroit au plus tard
dans quatre iours, ils iroient attaquer les Euan-
geliques dans leurs forts.

Les Euangeliques au contraire, apres cest es-
chec receu, crainte d'en receuoir vn secôd, lors
que l'armee Imperiale seroit toute jointe en-
semble, & d'estre contraincts de se retirer avec
honte & perte de leurs forts où ils s'estoient
campez & logez à deux lieuës ez enuiron de
Budovits, s'assemblerent le 16. Iuin en corps
d'armee pres Rudolffstadt, derriere les monta-
gnes, où ils feirent monstre de trois mille che-
uaux, & sept mille hommes de pied, & puis cō-
mencerent estant en bataille de faire leur retrai-
cte en plein iour vers Vettenau & Neuhaus, fai-
sant marcher leur artillerie & bagage deuant
eux en belle ordonnance.

Les Imperiaux de Budovits ayans eu aduis de ceste retraicte donnerent iusqu'à Rudolffstadt, l'un des quartiers des Euangeliques où ils trouverent grande quantité de grains, de vins & boissons, qu'ils pillerent, & emmenerent dans Budovits.

Le lendemain le Comte de Buquoy alla mettre le siege deuant Tretsbourg; le sieur de Mallevius qui estoit dedans, estant sommé, luy de-

1619_243.jpg

Histoire de nostre temps.

24.


manda deux iours de delay, mais la nuit mesmes il abandonna ceste place, scituée sur vn rocher, où le Côte de Buquoy entra le lendemain, & y mit vne forte garnison. On a escrit que dans ce Chasteau, il auoit esté butiné par les Imperiaux la valeur de trois cents mille florins, pour ce que de tous les enuironz chacun y auoit retiré ses facultez comme en lieu de seur retraits.

Ce mesme iour les Hongres allerent forcer les ville & chasteau de Rosemberg, qu'ils pillerent entierement, & firent perdre la vie à vne centaine d'Euangeliques. Bref tant en ces trois prises de Notolis, Trosbourg, & Rosemberg, qu'à l'enleuement du quartier du Comte de Mansfeldt, on a escrit que les Imperiaux auoiēt butiné la valeur de deux millions de liures. Outre les villes de Verna, Teints, Lamisch, Budna, & le Chasteau de Graetsn, qui se sont remis sous l'obeyssance du Roy Ferdinand; tellement que Budovits, & Crumelay, places où le Comte de Buquoy estoit tenu comme assiegé par les Euangeliques, ont maintenant de l'estenduë, plus qu'ils n'auoient: les Imperiaux ayans vne puissante armee tenans la campagne iusques aupres de Prague où les Hôgres ont esté à trois lieuës pres,


Les Euangeliques pour se maintenir, ont deputé vers tous les Estats Protestans voisins, sçauoir, Autriche, Moraue, Silesie, & Allemagne. On a escrit que ies Princes Protestans vnis Allemans leur ont promis secours. On verra à la suite de ceste annee ce qui en aduendrá, & ce qui se passera.

Qq ij

1619_244.jpg



1619_245.jpg



Histoire de nostre temps. 245
me celuy cy-dessus.

Après venoient plusieurs bannieres, où en chacune d'icelles estoient les armes de ladicte feuë Royne, qui sont celles de Dannemarch. Et premierement vne banniere aux armes d'une Croix d'or en champ d'azur. Vingt-huict rangs de Gentils-hommes de trois à trois. Deux autres trompettes & deux Herauts comme cy-dessus. Vne banniere aux armes d'un Cygne en champ de gueulle, & vn Cheual en champ d'Azur. Soixante & dix rangs de Gentils-hommes de trois à trois. Après deux autres Trompettes & vn Herault. Vne banniere aux armes d'un dragon en champ de gueulle. Quarante cinq Gentils-hommes en quinze rangs de trois à trois.

Après suiuiuent trois Trompettes & vn Herault. Vne banniere aux armes d'or semé de cœurs de gueulle à vn leopard de synople. Vingt rangs de Gentils-hommes de trois à trois. Quarante Musiciens trois à trois, reueſtus de ſurpelis & belles chappes à la Romaine, ſans bonnet carré, & douze enfans de chœur reueſtus de ſurpelis, chantans ſelon la Rel. d'Angleterre. Vn Herault, apres lequel marchotent quatre vingts quatre Docteurs, & Medecins trois à trois. Apres estoient trois trôpettes & vn Herault veſtus de meſmes les cy deſſus. Vne banniere à trois Couronnes d'or en champ d'azur. Soixante des Principaux Officiers & ſeruiteurs de la Royne deux à deux. Quatre trompettes & vn Herault. Vne banniere aux armes d'un Lion

QQ iij

1619_246.jpg




Image issue du site mercurefrancois.ehess.fr - Cliché (c) Cécile Soudan